

KANDELA TA LAGA BONEIRU SIN KORIENTE

Minister van Ooijen den sentro di siudat



Minister van Ooijen tabata di bishita na Boneiru. Durante su bishita e minister a bishitá entre otro Fundashon Mariadal. Apesar di su skema intensivo, e minister a haña oportunidat di kana den sentro di KRALENDIJK. T abata den dianan ku solo tabata fuerte, pero esaki no a stroba e minister.

MANTENE BO
VEHIKULO OF
EKIPO DEN
KONDISHON
KU PIESANAN
KUMPRA NA NAPA

xerox™

OBERSI
ELECTRONICS
BONAIRE

Gift
CARD

City Shop

Smart shopping • Better living

Easy, nice and thoughtful

Live
FM 99

Minister van Ooijen a anunsia:

Suficiente finansa pa mantené nivel di kuido

KRALENDIJK – E Boneiru djáron, a indiká ku ta bai pone suficiente finansa pa mantené e nivel di kuido. Mariadal tin entre otro di aber ku falta di personal. Entretanto ta hasiendo investigashon kon por



sigurá e kuido i finansa pa esaki strukturalmente.

Pa BonLab tambe a haña solushon temporal. E laboratorio en todo kaso te fin di aña ta sigurá di finansiamentu dor di VWS. Esaki ta konfirmá ku e kombinashon ku e laboratorio di Mariadal tin menshon di sobre kapasidat. E lunanan ku ta bini ta konsultá ku e partidonan enbolbí tokante e re-institushon di e servisionan di laboratorio.

Van Ooijen a hasi afspraak ku islanan BES tokante e mehorashon mas aleu di entre otro kuido di hubentut i akohida pa adulto mayó.

Ku e palabranan: “Ainda tin hopi trabou pa hasi,” e sekretario di estado a sali pa Kòrsou, kaminda awe ta tuma lugá e konsulta di kuater pais tokante kuido di salú.

Renchi di orea flor di hobada

Durante aktividatnan di FuHiKuBo por eksperensiá hopi kos. Manera por mira riba e foto aki. Xavi, kurista di historia i kultura, ta bisti Lucia un ‘renchi di ora’ di flor di hobada. Na Kòrsou ta yama e palu aki wabi i na Aruba hubada.



Consuelo
Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com

A bai sosegá den brasa di Señor

**Romana Martina
Goeloe-Soliana**



Na nòmber di su kasá:

Pablo Soliana

yunan:

Erica Soliana i Nazir Margarita

Marelyn Soliana

Shirley Soliana

Miriam Soliana

Lilian Soliana

Marbella Soliana

Shadira Soliana

rumannan:

Pedro Weyman

Alipio Goeloe

Doloria Thomas

Otmar Cado

Max Evertz

Ruth Anthony

Lientje Anthony

Wancho Reina

nietunan

Raduen i ruman, Terrance i rumannan, Shurmell i ruman,

Shairon i rumannan, Rayli i ruman, Justin i ruman

Tur su bisanietu- i tumanietunan

Ihá: Adelle Evertsz

prima- i primunan na Hulanda, Aruba i Kòrsou

Demas famia- i konosi:

Goeloe, Soliana, Christiaan, Janga, Seraus, Frans, Curiel, Saragoza, Sances, Boezem, Weyman, Ramires, Welvaart, Zuiverloon, Soliano, Thodé, Richards, Weber, Winklaar, Klabber, Janzen, Jacobs, Basilia, Valentijn, Koffie, Regales, Piar, Thomas, v/d Hansz, Bronswinkel i Mercelina.

Nos diskulpa si den nos tristesa por a lubidá algun famia i/ ó konosi.

Gradisimentu na Naidy Cicilia, Thuiszorg, dr- i zusternan i tur persona ku di un òf otro forma ku tabata tey den e momentunan di malesa i fayerisimentu di nos kerida defuntu.

Ta risibi bishita di kondolensia awe djaweps 8 yùni di 6'or pa 8'or anochi na Consuelo Memorial.

Akto di entierro ta tuma lugá djasabra 10 yùni na Consuelo Memorial di 12'or pa 2'or sigi pa un sirbishi. Despues ta hiba nos defuntu pa santana katóliko na Playa.

NO por risibi bishita di kondolensia na kas despues di entierro.

Pronóstiko di tempu pa Boneiru

Djárason 07 te Djaweps 08 Yùni 2023

De bes en kuando solo i kalor. Prinsipalmente djaweps chèns pa un áwaseru

De bes en kuando tin solo i prinsipalmente djaweps tin un chèns chikí pa un áwaseru. Lo ta mas kalor ku nòrmal. E temperatura máksimo lo ta 33°C, e temperatura mínimo 28°C. E bientu ost ta moderá te basta fuerte, forsa 4-5, djaweps de bes en kuando fuerte, forsa 6.

Altura di ola: aproksimadamente 1.5 m (4-6 pia), ku lo oumentá djaweps te 1.5-2.0 m (5-7 pia)

* Altura di ola válido pa laman grandi

Rijksdienst Caribisch Nederland

SSO-CN ta buska:

HEFE DI SERVISIO SSO-CN

Bo por konektá, bo ta fuerte den desaroyo di organisashon i bo maneho kla ta pèrkurá pa trankilidad i regularidat? E ora ei gustosamente nos ke haña kontakto ku bo!

Mas informashon?

Bishitá www.rijksdienstcn.com/vakatura

Fecha di klousura: 25 di yùni 2023

KANDELA TA LAGA BONEIRU SIN KORIENTE

KRALENDIJK—Un kandela na Contour Global Bonaire djárasen mainta 7 di yùni, a resultá den gran parti di Boneiru sin koriente. Situashon di koriente ya ta delikado debí na e kalor inmenso ku tin e dianan aki. Ku e kandela di djárasen mainta, e situashon a bira di mas koutela. Tabata den oranan di trempañ di mainta ku na Contour Global tabatin un kandela basta grandi. A resultá ku ta un generadó di diesel lo mester a pega kandela. Trahadónan mes a trata na dominá e kandela, pero mirando ku e tabata



bira mas grandi, a pidi asistencia di kuerpo di bombero.

Situashon

E kandela a trese kuné ku algun bario e keda sin

koriente. WEB atraves di nan kuenta di Facebook tabata duna relato di e situashon. Debí na e kandela, e kompania mester a bai over na e sistema di schakel. Esaki a enserá ku mester a

kita koriente for di algun bario pa algun ora, pa asina por suministrá na otro áreanan. Promé barionan sin koriente tabata aeropuerto, brandweer, prizòn, Lagun, México, Amboina, Kaya Amsterdam, Gurubu, Noord Saliña, Den Stashi, Antriol Pariba, Industrie terrein, Tera Kora, Nikiboko i New Amsterdam.

Despues tabata na turno Rincon, Playa Pariba, Playa Pabou, Nikiboko, Belnem i Hato ku a keda sin koriente. Contour Global Bonaire, CGB, a hasi investigashon di e kaso du-

rante dia. A kompletá e investigashon i den un forma kontrolá huntu ku WEB, a suministrá ku demanda parzialmente pa Boneiru. Esaki ta nifiká ku situashon di suministrashon di energia lo keda delikado den kurso di e siman aki. E posibilidat di schakel a keda na vigor durante di dia. Pa loke ta kousa di e kandela, esei te na e momentonan aki ta desconosí. Di fuente no oficial BONERIANO por a komprondé ku lo mester ta trata aki di un generador ku no tabata den funshon ku a pega kandela.




Kòntrol di tráfiko

KRALENDIJK--Djars 6 di yùni polis a tene un kòntrol di tráfiko riba Kaya Korona. A para i kontrolá un total di 39 vehíkulo. A parti un total di 9 prosèsferbal pa e siguiente infrakshonnan 3x pa manehá sin faha di seguridat bisti, 4x pa manehá sin se-

guro bálido, 2x pa manehá sin reibeweis bálido i 1x pa laga un menor di edat manehá sin reibeweis

KPCN ta konsehá es- triktamente pa kumpli ku e reglanan di Lei di Tráfiko. Ku esaki bo tambe ta kon- tribuí na un tráfiko seif i

sigur riba e isla. E periodo benidero lo bai tene kòntrol regularmente, kaminda lo aktua ku man duru na momentu ku no tin e doku- mentunan menshoná ariba na òrdu i tambe si no ta kumpli ku reglanan di trá- fiko.



Ranulfo ta remplasá Santiago

KRALENDIJK -- Vikario di Boneiru, pas- tor Marc Hooijschuur, ta informá tur fiel i pueblo di Boneiru, ku Pastor Ranulfo ta remplasá Pas- tor Santiago durante su ousensia pa e trabounan di Parokia di Playa, na Misa di San Bernardo.

E siman akí Pastor Santiago ta sinti kebrante di salú. Su situashon di salú ta stabil, pero ta opta pa hiba Pastor Kòrsou pa tratamentu mas avansá.

Esaki tin komo kon- sekuensia ku por lo pron-

to Pastor Santiago no por ehersé su trabounan na Parokia di Playa na Misa di San Bernardo.

Pastor Ranulfo ta sigui ku e trabounan di Parokia di Playa. Vikario, Pastor Marc, ta pidi tur parokia- no i pueblo di Boneiru en general pa sigui resa pa Pastor Santiago pa Dios, mediante di Kristu He- sus, dun' é un pronto reku- perashon, pa e por sigui desplegá e trabounan ku Kristu a pidi pa hasi esta plama e bon notisia di sal- bashon.

Tulipan Multi Services B.V.

ta buska

- 1 kapper

-tantu pa hende hòmer i muhé i 5 aña di eksperensia

Mas inf. tel. nr. **770-7699**

Palu di koriente ta kai riba kaya

KRALENDIJK – Djárason den kareda di 9'or di mainta a presentá un situashon di atenshon den Kaya Jean B.F. Vitte, na Playa Pabou. Un palu di koriente di vòltahe haltu a kibra i kai meimei di kaminda. Danki Dios no tabatin outo ni hende na pia pasando e momentu ei. Personal di WEB tabata tei mesora pa atendé ku e situashon. (Fuente: LIVE-99FM. Foto: Merenguito)



Spar dòpi di plèstik pa re-uso

KRALENDIJK – Habitantenan i bishitantenan di Boneiru, awor por deponé dòpi di plèstik den un kurason grandi ku tin dilanti di Supermarket Bondrigo. E plèstik ku akumulá, ta keda re-usá pa traha produktonan nobo na Boneiru.


E kurason ta un iniciativa di Nos Waste Caribbean Vibes. Esaki ta un organisashon riba tereno di durabilidad i resiklahi. E siman akí a pone e kurason kolorido na Bondrigo.

Dor di deponé e dòpi-

nan i tapa di plèstik den e kurason, tur hende ta kontribuí na e idea pa hasi di Boneiru un ekonomia sirkular i kontribuí na e minimalisashon di sushi riba e isla.

Lástimamente no por deponé bòter di plèstik tipo PET.

“Komo Nos Waste Caribbean Vibes, nos ta kontentu pa presentá nos promé kurason na Bondrigo,” ko-fundadó Luuk Bastiaans ta bisa. Huntu nos ta krea un futuro mas limpi i duradero pa nos isla.



Te ku awor a registrá 3 morto

Temblor na Haïti

KRALENDIJK/PORT AU-PRINCE -- Un temblor ku un magnitud preliminar di 4.9 a sakudí sur di Haïti den oranan di mainta di djamars, matando por lo ménos kuater persona i lagando herido.


E temblor a tuma lugá den oranan trempan di djamars mainta serka di e siudat Jeremie.

"Mi a pensa ku henter e kas lo kai riba mi", Eric Mpitabakana, un funshonario di e programa mundial di kuminda na Jeremie, a bisa den un kombersashon ku prensa merikano.

Dos kas a kai den otro i un ruta klave ku ta konektá Jeremie i Les Cayes ta

kompletamente blòkia, segun e agensia di protekshon sivil di Haiti.

Tres di e víktimanan tabata di e mesun famia i outoridatnan a haña nan bou di ruina di nan kas. Trahadónan di reskate a sigui ku búskeda den e área.



Karel's Beach Bar
 ta buska
-Waiters, bartenders, hulp-kok, kok, afwasser, runner
 Pa mas inf. por yama **telefon 717-8434**
durante ora di ofisina.

Enkuesta pa inventarisá interes i nesesidat na Boneiru

Rijksmuseum ku material edukativo tokante arte i kultura

KRALENDIJK -- Rijksmuseum, e museo mas grandi na Hulanda, ta interesá pa ofresé material edukativo tokante arte i kultura na islanan BES i KAS.

Pa sa interes i nesesidat na e islanan, e museo a krea un enkuesta specialmente pa kabesnan di skol, dosente i profeshonalnan den e sektor di arte i kultura.

Por yena e enkuesta aki na <https://xs.motivaction.nl/onderzoek/Cultuuronderwijs> te 30 di yuni 2023.

Te ku awor reakshon na Boneiru ta hopi abou. Pa hopi aña kaba Rijksmuseum ta ofresé skolnan na Hulanda material edukativo online pa amplia konosementu tokante arte i kultura.

Diferente skol den Kari-

be a ekspresá nan interes pa nan tambe hasi uso di e materialnan akí. E museo ke hasi esaki, pero promé ke haña un bista di edukashon kultural na e islanan. P'esei e enkuesta.

Durante e enkuesta, e museo ta kompartí informashon tambe tokante su material di edukashon kultural ku ta pòrnada, kompetensianan di arte, oportuni-

datnan di kolaborashon i su posibel sosten na e tópiko di konmemorashon di pasado di sklabilitut.

Partisipantenan na e enkuesta tin chèns di gana un ehemplar di e buki Rijks, masters of the Golden Age.



EXITO BAKERY

ta buska

- 1 bakker

-mester tin por lo menos 6 aña di eksperiensia

Por yama na **Exito tel. nr. 717-8822**

por manda CV na: **exitobakery@gmail.com**

REKLAMÁ, MURMURÁ OF GRADISÍ?

“Alabá Señor! Duna gradisimentu na Señor, pasobra E ta bon, pasobra Su misericordia ta pa semper.
Salmo 106:1(BS)

Awe mainta mi a lanta i bolbe para ketu un ratu. Hopi biaha nos ta kla pa keha, murmurá, reklamá. Ma dikon no ta gradesido na Dios, yam’É danki, ounke kos no a bai? Òf kisas no ta bayendo manera ami ta deseá?

Mi ke animá bo i enkurashá bo awe mainta pa kuminsá gradisí Dios. GradisiÉ ku El a duna bo un día nobo, ku bo tin un trabou, ku bo tin kos di kome i un dak riba bo kabes, ku E ta stima bo, ku E ta duna bo Su forsa renobá, ku E ta den kòntrol di tur kos.

Awor si ainda bo no tin un relashon personal ku Kristu-Hesus ainda, no tarda pa pone bo fe i konfiansa den djE so so, pa bo Salbador personal. E ta bon i fiel sèmpar bai. PidiÉ kambia bo aktitut, lanta i yam’É danki, i lo bo mira ku no ta sobra tempu pa murmurá ni reklamá. Pasobra ku KRISTU SIGUR lo bo ta diferente, basta bo permitiÉ hasi Su transformashon den bo kurason, mente i bida.

Lo bo mira, ku nos tin hopi kos pa yama Dios danki, ku nos lo no kaba yamE danki.

Mi ta kompartí Salmo 100:4 “Drenta Su portanan ku gradisimentu, i Su plenchinan ku alabansa. Dun’E gradisimentu, bendishoná Su nòmber.” Les’é i gradisí Dios, pa tur loke ku El a duna bo. Ami ta kuminsá na yama Dios danki ku mi por a haña e oportunidat pa bolbe kompartí e Palabra di Dios ku bo.

Kiko abo ta yama Dios danki p’e awe?

Diannenara Mercera

Produkshon PGM

Programanan di Bonaire.tv

TELBO kanal 70

Flamingo TV kanal 23

Djaweps 08 yuni 2023

12.00 Aktualidat:	Bloom Opening
13.00 Aki Bonaire:	Chapi di lucha 2018
14.00 Herensia:	Jacky van Bekhoven
15.00 BAPA:	Barku Eendracht
16.00 Herensia:	Marzel Felipe De Palm 2
17.15 Aki Boneiru:	Musik Venezuela na Rincon
19.00 Herensia Aruba:	Wilma Kuiperi
20.00 Herensia Korsou:	Valerio William
21.00 Aki Boneiru:	Ana Thodé
22.00 Herensia:	Jacintha Dorothea-Eusenía
23.00 BAPA:	Gerry F, Nayo Schoop & Kapel Ayo Aruba

Tur mèrdia 12’or ta kuminsá un programashon nobo di 4 ora. E programashon aki ta ripití pa 24:00.



Bonaire.tv
Historia | Kultura | Naturalesa

Dokumento importante entregá na Van Ooijen

Lantamentu 1765 ta ilustrá situashon di salubridat di katibunan

KRALENDIJK

Presidente di Fundashon Históriko Kultural Boneriano (FuHiKuBo), Bòi Antoin, a entregá un dokumento importante djamars último na sekretario di estado Maarten van Ooijen (ChristenUnie) durante su bishita na Boneiru e siman aki. Ta trata di un artíkulo ekstenso ku a sali hopi aña pasá den e publikashon 'Kring voor de geschiedenis van de pharmacie in de Benelux', skirbí pa Anke Rutten.

Maarten van Ooijen tabata ke informashon tokante e trato ku katibunanan a haña den tempu di sklabitut. Antoin a dun'é un splikashon detayá di esaki durante kareda den bús, tokante sklabitut. E informashon aki ta aparesé tambe den e buki "Bonaire, een koloniale zout verleden" ku Antoin a entregá na Van Ooijen.

Deskonosí

Te masomé dos aña pasá tabata konosé solamente ún lantamentu di katibu den historia di Boneiru, esta esun di 10 di novèmber 1834. Historiadó dr. Johan Hartog a skirbi di dje den su buki 'Bonaire – Van In-



Bòi Antoin dunando splikashon na sekretario di estado Maarten van Ooijen durante su bishita djamars na Boneiru.

dianen tot Toeristen' ku a sali masomé dos setenta aña pasá. Bòi Antoin a skirbi despues un buki chikitu di e rebelion aki, despues ku el a studia dokumentonan dje tempu ei na Algemene Rijksarchief na Den Haag.

Masomé dos aña pasá numa a sali na kla ku tabatin un mas rebelion di katibu a tuma lugá na Boneiru hopi mas promé, esta na 1765. E revelashon dje lantamentu di 1765 aki ta bini for di un ángulo interesante, esta den un kuadro di salubridat. A.M.G. (Anke) Rutten a skirbi un artíkulo den e publikashon 'Kring voor de geschiedenis van

de pharmacie in de Benelux'.

E lantamentu di 1765 a sosodé den tempu ku Boneiru tabata un plantashi di West Indische Compagnie (WIC). Esun di 1834 a sosodé den tempu ku Boneiru tabata plantashi di gobièrnu.

Rutten a skirbi ku tin masha tiki isla den e region di Karibe na unda no tabatin rebelion di katibu. Algun ehèmpel di rebelion ta e islanan Barbados, Guadeloupe, Jamaica, Martinique i Cuba.

Di e tres islanan ABC, Kòrsou a konosé tres lantamentu di katibu, pero na

Boneiru ta resultá awor ku no tabatin ún, sino dos lantamentu.

Motibu

E loke a pone e katibunanan rebeldiá na 1765 tabata otro for di e motibu dje rebelion di 1834. Un parti importante di e motibu dje lantamentu aki tabatin di aber ku deskuido di kuido médiko di e katibunanan.

A.M.G. Rutten ta skirbi: "Den tempu ku e lantamentu aki a tuma lugá, meimei di siglo 18, Boneiru pues tabata un plantashi di West Indische Compagnie. Banda di masomé dos 30 indjan, tabatin alrededor di 200 katibu di WIC riba e isla. Bou di supervishon di e commandeur i vise-commandeur nan tabata traha den produkshon di salu, agrikultura i krio di bestia.

E commandeur tabata kai bou di e gezaghebber di Curaçao."

Meimei di siglo 19 e título di commandeur a kam bia pa gezaghebber i esun di gezaghebber di Curaçao pa gouverneur – gobernador.

"E situashonnan tabata di tal índole i e komunikashon ku Kòrsou di tal karakter, ku práktikamente tur e e medidanan ordená pa gezaghebber na Kòrsou tabata topa ku indisposishon i di e ámtenarnan lokal, sin ku por a yama nan pa responsabilisá nan pa nan akstitut", Rutten ta skirbi.

Tur miembro di e delegashon di sekretario di estado Maarten van Ooijen a risibí un kopia di e publikashon. Van Ooijen a keda hopi kontentu ku e doumento.

Promé Festival di Lora

KRALENDIJK

Fundashon Echo ta organisá e promé Festival di Lora dia 17 di yuni. E evento ta konsistí di un merkado natural, di arte i kultura, ku ta dirigí riba edukashon tokante e konsientisashon di lora.

Banda di esei, Fundashon Echo durante e evento ke laga mira kon naturalesa i kultura na Boneiru ta konektá ku otro. P'esei Echo ta invitá artistanan, fotógrafonan i

amantenan di arte, pa partisipá na e merkado.

Nan por traha nan mihó obra di lora, òf show foto di un lora durante e evento. Echo ta pone mesa i stul disponibel pa tur partisipante pa por ekshibí nan obra.

E festival di lora ta dia 17 di yuni di 4'or di atardi pa 8'or di anochi na Jong Bonaire.

Por mèldu pa partisipá na e evento via lorafestival@gmail.com

Huesnan parti karibense di Reino ta imparsal

Petishon di opheshon rechasá

KRALENDIJK/ WILLEMSTAD – No a sali na kla ku tin miedu hustifiká pa parsialidat di huesnan, Korte Komun di Hustisia di Aruba, Kòrsou, Sint Maarten, Boneiru, Sint Eustatius i Saba, ta laga sa. Ta trata di petishonnan di opheshon di siudadanonan kontra huesnan.

Tur hende ku keda enbolbí den kaso di derecho, mester por konfia ku tin konfiansa ku ta atendé hustu kuné den sala di Korte. E hues mester ta independi-

ente i imparsal.

E aparsensia di partidario ta sufisiente pa oponé kontra un hues.

Esaki ta e petishon pa laga remplasá un hues den sierto kaso, pasobra e lo ta partidario. Por entregá e petishon di opheshon promé, durante òf despues di e kaso. Sí e hues ta di akuerdo ku e opheshon, e ora ei e ta hala su mes atras i ta bini un remplasante. Sí e hues no ta di akuerdo ku e opheshon, e ora ei e kamber di opheshon ta disidí.

Serka e seshon ku ta atendé ku opheshon, na 2022 a drenta 17 petishon di opheshon, den tres kaso tabata trata di opheshon di e kamber di opheshon mes. E petishonnan tabata relashoná ku derecho sivil i derecho gubernamental. Dos di e petishonnan esun ku a entregá e petishon mes a hala esaki aden. Di e 15 restante, a trata 11 den Korte, kuater petishon a keda hasí pafó di sala di Korte. A rechasá tur e petishonnan.



Pa detektá malesa di wowo

Mucha di 11 aña ta krea app revolushonario

KRALENDIJK/ KER-ALA—Mundu di medisina ta pará boka habrí mirando un aplikashon pa iPhone yamá ‘Ogler Eyescan’. No solamente pasobra e aplikashon por detektá en-

fermedat i trastornonan di wowo rápidamente, pero debí ku esun ku a desaroyá e app, ta un mucha muhé di 11 aña.

Leena Rafeeq di 11 aña nasé na India a krea Ogle

Eyescan. Banda di esaki Leena mes a sa di desaroyá e app pa Iphone.

App revolushonario

Leena Rafeeq ta e mente maestro tras di e app pa

iPhone ‘Ogler Eyescan’ i a sa di trata un problema médiko bastante kompliká. Na edat di 10 aña, Leena a profundisá den e mundu di Oftalmologia. El a siña di diferente malesa i e teknologia nesesario pa duna bida na e vishon ku e tabatin na e momentu ei.

E aplikashon ta uza inteligensia artifisial pa detektá malesanan di wowo. ku 70% di eksaktitut, sin yudansa di terser parti, el a sinta tras di su kòmputer i a desaroyá e aplikashon pa iPhone e mes.

E resultado ta Ogler eyescan; un aplikashon médiko ku por detektá malesa i trastornonan di wowo usando e sistema di kámara di e telefòn. Por pensa riba malesanan manera melanoma di wowo, i katarata.

Médikonan ta impreshoná i gradesido na un mucha di 11 aña ku a musta kiko teknologia por aportá na kuido médiko.

Miéntas ku presishon di e modelo ta kasi 70%, tin algun reto ku entre otro e rasgo di lus kousá pa e distansia rekerí pa kapta scan via di e telefòn. Pa trata e problema, a implementá entre otro detekshon di problema relashoná ku lus, loke na su turno ta pidi e usuario pa hasi un skèn nobo ora ta nesesario.

Rafeeq ta dediká na refiná su aplikashon i aktualmente ta enfoká riba entrená un modelo mas sofisticá. Unabes App Store aseptá ‘Ogler Eyes’, Rafeeq ta plania pa lansa un aktualisashon pa mehorá su funshonamentu.



For di sèptèmber

Studiante karibense ta risibí beka básiko

KRALENDIJK-- Studiante di e parti karibense di Reino ku ta bai studia na Hulanda na un skol superior òf universidat for di sèptèmber ta risibí un beka básiko atrobe. Eerste Kamer ku sosten amplio a bai di akuerdo, djaluna 6 di yùni ku e proposishon di lei pa e reintrodukshon di e beka básiko den enseñansa superior. Studiante ku tin derecho riba esei, for di djaluna 19 di yùni por pidi un beka básiko na DUO. Minister Dijkgraaf: “Pa estudiante e regreso di e beka básiko pa estudiante na hbo i wo ta nifiká un mehorashon grandi di nan posishon finansiero. E ta ofresé perspektiva i un bon base. I huntu ku e ampliashon di e beka adishonal un suma fiho pa luna ta pèrkurá pa mas trankilidat finansiero serka estudiante. Mi ta haña importante tambe ku, ku e proposishon di lei aki e régimen di paga bèk pa estudiante di mbo ta bira igual na esun di estudiante na

skol superior i universidat. Esaki ta konta tambe pa e límite di gana sèn èkstra. Asina nos ta yega na un posishon mas igual pa estudiante di mbo.

Beka básiko

Pa risibí un beka básiko estudiante mester hasi un petishon serka DUO, ku e tempu ku a pasa a traha duru pa hasi e reintrodukshon posibel. Tur (futuro) estudiante ku tin derecho riba un beka básiko, ta haña un mensahe personal di DUO. Pa estudiante karibense e siguiente ta konta algun punto. Studiante ku ta na Hulanda kaba i ku tin un number di servisio sivil (bsn) i un DigiD, por pidi e beka básiko for di 19 di yùni via Mijn DUO. Pa e futuro estudiante ku ta den e área karibense ainda i ku a pidi finansiamentu di estudio kaba, por pidi e beka básiko via e formulario Aanvragen basisbeurs voor studenten hoger onderwijs uit het Caribisch Gebied

(Pidi beka básiko pa estudiante di enseñansa superior di e Área karibense). Nan ta risibí e formulario e siman aki via meil. Futuro estudiante ku ainda ta den e área karibense i ku ainda no a pidi finansiamentu di estudio, por pidi e beka básiko i otro parti di e finansiamentu di estudio via e formulario Aanvragen studiefinanciering hoger onderwijs voor studenten uit het Caribisch gebied (Pidi finansiamentu di estudio pa enseñansa superior pa estudiante di e área karibense). Por download e formulario na www.duo.nl/antillen

Suma

Studiante na hbo i wo tin derecho riba e beka básiko si den e aña di estudio 2023-2024 nan bai studia pa promé bia òf si e ora ei ainda nan tin derecho riba finansiamentu di estudio den forma di un beka di logro. Studiante ku ta biba for di kas ta risibí € 274,90 pa luna, estudiante ku ta biba

na kas € 110,30. Den e aña di estudio 2023-2024 pa durashon di un aña pa tur estudiante ku ta biba for di kas (tambe mbo) ta bini € 164,30 pa luna aserka pa motibu di e oumento grandi di gastu di entre otro kom-

pra i energia.

Un estudiante ku ta biba for di kas pa e motibu ei na sèptèmber ta risibí un total di kasi € 440 na beka básiko, pa henter e aña di estudio 2023-2024 esaki ta un total di € 5.200.



ENTIDAT PÚBLIKO
BONEIRU



PARTISIPASHON

En konekshon ku trabounan di rekonstrukshon ta sera Kaya Aruaco temporalmente pa tur vehíkulo motorisá desde djaweps 8 di yùni 2023 (08.00 or di mainta). E trabounan di rekonstrukshon akí lo dura próksimamente 9 siman.

Kaya Aruaco ta keda aksesibel pa klientenan, ekiponan pisá di Curoil i tráfiiko ku destinashon. Tráfiiko regular tin ku sigui e rutan di desviashon. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.

Gezaghebber,
R.A. Oleana

Sekretario Insular,
mr. C.J. Frans

Media Karibense a trese bruashon innesesario

Tin regulashon transishon estudiante Karibense

KRALENDIJK – Ku un interpretashon muchu purá, media Karibense innesesario a trese bruashon bou di studiantenan ku e aña eskolar benidero ku ta

sigui ku nan aña di estudio mas aleu na Hulanda.

E partisipashon di Ombudsman Nashonal, Reinier van Zutphen, na e konsulta interparlamentario di Reino

ku studiantenan e aña di estudio benidero ainda no por hasi uso di un number di servisio di siudadania, BSN, a keda tresé dilanti komo notisia, pero esaki no

ta asina. Na mart Gobièrnu Hulan- des a anunsiá ku habitantenan di Karibe Hulan- des pa mas tardá na 2025 ta haña un BSN, pero ta hasi un regulashon di transishon pa e studiantenan.

E regulashon di transishon akí, asina e ministerio di asuntunan interior i relashon di Reino a konfirmá, ta kla. No tin menshon di suspenshon. Na mart Gabinete a anunsiá ku pa studiantenan di e área Karibense ta posibel pa via di e inskripshon serka DUO, haña un BSN. Pa hasi e transishon di e periodo akí posibel, a hasi afsprak pa e studiantenan Karibense ku despues di e zomer di 2023 ta kuminsá ku un estudio den kasonan individual, kita e opstákulo ku ta kondusí na retraso serka studiantenan na momentu di inskripshon den BRP, pa haña un BSN,

segun e ministerio.

Den un karta ku Sekretario di Estado van Huffelen a manda na mart pa Tweede Kamer i un komunikado di prensa saká dor di e ministerio, a anunsiá esaki ekstensivamente.

“E lunanan ku ta bini partidonan lo sigui hasi esfuerso pa solushoná opstákulo pa e studiantenan. Pa hasi mas fásil pa studiantenan Karibense, nan ta atendiendo ku un plan di paso nobo pa informá tokante e asuntunan ku e studiantenan mester regla promé ku nan yegada Hulanda pa e inskripshon den BRP i pa haña e BSN.

Pa medio di karta a informá e munisipionan i a pidi nan pa traha huntu na un inskripshon lihé pa e studiantenan Karibense den BRP e aña akí,” segun van Huffelen.

*Dil di bibienda*

Por lo ménos 66% mester ta kas sosial

Pa: Wilma Nijland

KRALENDIJK – Fin di yùni Minister di bibienda i ordenansa urbano, Hugo de Jonge, ta bolbe bin Boneiru. Su ámtenarnan a hasi hopi esfuerso pa hasi e diferente afsprakan ku esnan enbolbí pa duna e dil forma i laga esaki ta eksitoso. Un punto di salida esensial di e dil mester ta ku e kasnan ku ta bai traha por lo ménos 66% mester ta konsistí di kas sosial, kas di hür i kas di kompra pagabel.

Preparashon

Na inisio di mart tabatin e simposio ‘Betaalbaar Bouwen’ kaminda a hasi un konsulta públiko na e partidonan di merkado. E pregunta tabata pa bini ku proposishonnan lihé i konstruí hopi, riba e preis di kompra atraktivop a

tereno di Gobièrnu ofresé dor di Entidat Públiko Boneiru. Riba esaki ningun proposishon a drenta. Primeramente tabatin konsulta, pero di esaki nada formal sali afó.

Minister de Jonge ke un firma bou di e dil di bibienda, pasobra esaki ta bon pa su imágen. E desaroyadónan, algun di nan èks polítiko i makelar, a papia den pasio i a hasi kontakto i akumulá forsa. Nan ke kita for di e 66% di kas pagabel, pasobra e restante, 33%, pa e merkado liber nan ta haña hopi haltu, komo ku den e merkado liber por gana e plaka real.

Solushon fiktisio

Minister de Jonge ta baha e 66% di kas pagabel i ku esaki ta oumentá e parti pa merkado liber. Parse ku

e firmamentu i momentu di foto ta garantisá. E desaroyadónan, makelar i algun èks polítiko, a spera riba e momentu akí i awor a bira entusiasamá, tin en todo kaso plaka pa gana.

Kolegio Ehekutivo gustosamente tambe ta pone su firma, pasobra awor por repartí e kapital den e grupo aktual.

Konsekuensia

Habitantenan di Boneiru remarkablemente ta haña ménos kas pagabel i dor di esaki ta keda tras kompará ku Europa Hulan- des, kaminda ta mantené e eksigensia di por lo ménos 66% kas pagabel.

E desaroyadónan, makelar i algun èks polítiko, ta sinta warda trankil riba nan kosecha i ta bira riku kasi drumiendo. Plan

di destinashon i pèrmit, tampoko lo stroba nan i naturalesa di Boneiru ta bira víktima.

E habitantenan di Bo-

neiru, pa kua e dil akí ta intenshoná, awor no ta haña kas i den futuro no tin naturalesa i e sobrá ta gosa i hariendo ta bira mas riku.



Raymari B.V.

ta buska

- 1 timmerman

Mas inf. tel. nr. **782-0119**

Sekretario di estado Maarten van Ooijen di bishita

Hopi interes pa sa mas di sklabilitut

KRALENDIJK — Sekretario Maarten van Ooijen (33), enkargá ku Salubridat Públiko, Bienestar i Deporte, tabata di bishita na Boneiru djamars. El a musta hopi interes pa sa mas di e pasado di sklabilitut

di e isla aki, ku atenshon pa e forma ku a trata e katibunan, trato médiko ku nan a falta i alimentashon. E kier a sa ku si awendia tin enfermedatnan na Boneiru ku por relatá komo herensia di sklabilitut.

Bòi Antoin di Fundashon Histórikò Kultural Boneiru (FuHiKuBo) a kompañá e mandatario i su delegashon durante nan bishita na e isla i a duna splikashon amplio tokante kon sklabilitut na Boneiru tabata hinká den

otro, for di momentu ku e promé afrikanonan sklabisá a yega e isla na masomenos 1640, te na momentu ku na 1863 masomenos 750 katibu a haña nan libertat. Di e katibunan aki 149 tabata katibu di shon.

Van Ooijen tabata hopi interesá den e tópiko aki.

Antoin a probechá e oportunidat pa entregá e mandatario e buki ku el a skirbi huntu ku Cees Luckhart tokante salu i historia kultural.

Na Posada Paramira tabatin un enkuentro di Komishon di Diálogo di Sklabilitut.



Ranger ta hura komo polis èkstra ordinario

KRALENDIJK — Ranger Edgar Ortegon i Rishishon Frans, a hura komo polis èkstra ordinario, BAVPOL. Komo un agente spesial di polis, awor nan por fungi komo

un konekshon di polis. E agentenan spesial desde awor por parti but momentu ku nan topa ku hende ku no ta mantené su mes na e preskripshonnan di Parke Marino.

Tin agentenan BAVPOL dentro di e tim di STINAPA, ta sòru pa èkstra protekshon di naturalesa i e esfuersonan pa mantenshon di naturalesa na Boneiru.



Segun IATA

Kambio klimatológiko ta oumentá turbulensia

KRALENDIJK/IS-TANBUL—International Air Transport Association, IATA ta teme ku kambio klimatológiko aktual lo kousa mas turbulensia pa avionnan.

Pa e motibu aki e asosashon di aerolíneanan a krea un plataforma di turbulensia algun aña pasá

den kua su miembronan por partisipá.

Na e reunion anual di djamars 6 di yùni, dos miembro nobo a uni nan mes na e plataforma. Ta trata aki di WestJet (Canada) i ANA (Hapon).

KLM no ta den kombersashon ainda, Air France si.

Kaya Aruaco pronto asfaltá

KRALENDIJK -- Djarmars Curoil a papia di e trabounan ku ta bai tin pa loko ta trata asfaltamentu di Kaya Aruaco. Ta trata di e kaminda ku ta yega na e planta di gas di Curoil, for di e área di Hato. Tin hopi reklamo ku e kaminda pa yega na e sitio pa kumpra gas ta di remate. Awor ta bai asfaltá, trabounan ta kuminsá denter di algun dia.

Jursi Marshall di Curiol a bisa: “Ta bai asfaltá e kaminda ku ta yega na e planta pa bende gas na Kaya Aruaco. Ta bai sigui desaroyá na e sitio i ta importante pa e kaminda ta asfaltá.”

Diputado Hennyson Thielman di su parti a bisa: “Sigur ta un nesesidat pa asfaltá e kaminda. Na momentu áwaseru kai, e kaminda ta bira un desaster pa kore riba dje. E asfalt ta importante tambe pa e parti di e transporte di material den e área, loko ta rekeri e parti di stabilitat i seif. No solamente pa Curoil ta drecha e kaya, pero tambe pa habitantenan den e área i outonan ku ta hasi uso di e área.”

Representante di BMW, Martijn Zwiers, a bisa nos ta kontentu pa a risibí e proyekto akí. Trabounan

ta kuminsá denter di algun dia. Ta bai traha un kaya hanchu pa trùknan por kore stabil riba e kaminda.

Diputado James Kroon a indiká ku e gobièrnu akí ta kontinuá ku trabounan di asfaltá kamindanan na Boneiru. Prakticamente tabata kasi kla pa kuminsá na komienso di aña nobo, pero huntu ku Diputado Thielman, a wanta esaki, pasobra nan lo a bisa ta pasobra elekshon ta na kaminda ta bai asfaltá e kaya.

Diputado Kroon: “Mi ke bisa algu di un otro proyekto ku djárasen 7 di yùni, ta pone e flur pa ponementu

di fever na altura di Onima. Tur kos ta kla pa kuminsá awor pa pronto e ta kla. Pa-

bien na tur ku a prepará pa e proyekto aki na Kaya Aruaco. Danki pa e pasenshi.”



UN INVITASHON DI FUHIKUBO & SKAL

PRESENTASHON DI BUKI

DJABIERNE 16 YÜNI, 2023

6:30 - 9:00PM

SKAL MUSEO BONEIRU

KAYA J. N. E. CRAANE 34



Dresscode: Casual

Luganan ta limitá!

Inskribi awor:

seferina.saragoza@bonairegov.com



‘Hit & Run’

KRALENDIJK-- Den oranan di mainta riba djarmars 6 di yùni, un kaso di ‘hit & run’ a tuma lugá riba Bulevar E.E.G.. Outo 1 ku tabata kore direkshon sùit a para na e krusada di Bulevar E.E.G. i Kaya Ir. R. Statius van Eps pa motibu ku e outo su dilanti kier a

lora lenks. Na e momentu ei, outo 2 a dal tras di outo 1. Na momentu ku e shofùr di outo 1 tabata yamando CRS, shofùr di outo 2 a subi outo i kore bai. KPCN ta hasi un yamada na shofùr di outo 2, di kua su plachi di number ta konosí, pa mèldu su mes na warda di polis.

Preokupashon kompartí ku van Ooijen

Mester atendé ku hospital urgente

KRALENDIJK – Siudadanonan preokupá no a skonde nan preokupashon durante e bishita na Boneiru di Sekretario di Estado, Maarten van Ooijen, enkargá ku salubridat públiko. Nan ke mira mehorashon urgente den henter e funshonamentu di hospital, ku ta kai bou di maneho di Fundashon Mariadal.

Sekretario di Estado van Ooijen e siman akí ta na Boneiru pa un bishita di trabou. Pa hopi tempu kaba tin keho dirigí riba henter e funshonamentu di hospital. Algun siudadano a topa ku e mandatario djárasen

mainta na ofisina di Representante di Reino Interino, kaminda nan a bosiferá nan preokupashon.

Durante e enkuentro, Ensly Emers a entregá un karta na e sekretario di estado, den kua e ta mustra su preokupashon pa e sistema ku ta atendé ku salú di hende na Boneiru, den kaso mas spesífiko, Fundashon Mariadal.

Kontenido di e karta ta enserá e kalidat di kuido ku siudadanonan ta haña na Boneiru. “Bo ta bai spesialisista i kada 3 luna tin un nobo. Bo tin ku bolbe kontabo stória. Tambe e parti ku

nan ta komuniká na Hulandes. Bo ta malu i mester papia Hulandes pa splika bo problema. Esaki ta algun di e kehonan ku diariamente ta tende na Boneiru.”

E karta ta sigui bisa Bonerianonan ta muriendo debí na e situashon akí. Nos ke pa Minister laga hasi investigashon pa wak kon por

drecha e situashon, anto rápido.

Emers: “No tin kontrol riba e asunto médiko na Boneiru. Mi mes ta den e proseso di un situashon pa ku mi salú i no ta mira lus na final di e túnel.”

Alsly Anthony a papia i a bisa e hendenan di edat no por komuniká bon ku e spe-

sialista Hulandes.

Mester di otro maneho. Mester di un manera pa drecha e komunikashon. Otro kos ta laga e hende su situashon bira grave, despues ta mand’é eksterior, pero ya ta lat. Kalidat di remedi tambe ta malu. No tin remedi original.



Informashon proyekto ‘Water Circles’

KRALENDIJK –

Ayera djaweps 8 di yüni tin un sesion informativo tokante e proyekto piloto di ‘Water Circles’ i por registrá lokalidat pa e konstrukshon di un instalashon desentralisá. E instalashon ta purifiká awa sushi di tal manera ku por re-usá e awa

den diferente forma.

E sesion informativo ta tuma lugá den sala Aquarius na Captain Don’s Habitat pa mitar di shete di atardi.

Esnan interesá mester konfirmá nan partisipashon na e sesion informativo via projectwatercircles@gmail.com



**Sosio,
ACU kier topa bo!**

Den e luna di yüni aki ACU lo tin un enkuentro pa sosionan na Bonaire. Durante di e enkuentro aki nos lo duna bo un bista di stáus di bo kooperativa i lo duna oido na tur pregunta- i remarkenan.

Lo tin un ‘booth’ di informashon i un ‘happy hour’ na final di e enkuentro aki.

Courtyard by Marriott Bonaire

23 di yüni 2023

18:00 - 20:00

Registrá bo presensia via <https://www.acu.cw/bantopa/> via 717-3256 òf via 717-3200.

Uso di palu pa kima karbon

Hopi bia tin hende ta kap palu den nan kurá pa diferente motibu. Por ehèmpel pasobra rais di sierto palunan ta menasá fundeshi di kas. Na lugá di hiba e palunan aki Kuskus, ta mihó entregá nan na hendenan ku ta kima karbon. Resientemente Lando Christiaan tabatin suerte di haña basta palu ku nan a kap na un hotèl pa hinka den fòrnu di karbon. Lando tin añanan kaba ta kima karbon na su kunuku.



Grabashon 'Zin in Zappelin' na Boneiru

KRALENDIJK – Pa e programa di televishon hulandes 'Zin in Zappelin' di AVROTROS, a hasi grabashon na Boneiru. Desde 4 di sèptèmber por mira e programa

di mucha ku imágennan di Boneiru riba NPO Zappelin.

Durante e entreganan, e presentadó ta profundisá su mes den e kultura i naturalesa di Boneiru. Tambe den

koperashon ku muzikantenan lokal, a komponé dos kantika, Boneiru-Boneiru i Bon Dia.

E programa di televishon ta adekuá pa mucha di 3 pa 6 aña.



Aksidente entre outo i skuter

KRALENDIJK--Un aksidente entre un outo i un skuter a tuma lugá riba Bulevar Gobernador N. Debrot. E aksidente a tuma lugá riba djaluna 5 di yùni. Shofùr di un outo ku kier a subi Bulevar Gobernador

N. Debrot for di un hanchi, no a mira e skuter ku tabata aserkando. E skuter a dal den e outo.

E pasahero ku tabata riba e skuter a kai. Personal di ambulans a trata e víktima na e sitio mes.



Den kuadro di investigashonnan ku Pastor Nooyen a hasi, el a kombersá den añanan sinkuenta ainda ku hendenan ku por a konta hopi di e bombanan di Boneiru. Bomba ta un katibu ku, riba instrukshon di e doño di katibu, sea gobièrnu òf doño partikular, tabata usá pa dirigí un grupo di katibu. Un bomba pues no tabata un funshon di kua bo por ta orguyoso. E funshon bomba despues di sklabilitut a kondusí na e fam Bomba di Tera Kòrá. Den un seri di tres entrega di tres artíkulo riba djárasen BONERIANO ta dediká atenshon na loke (pader) Nooyen a yega di skirbi tokante bombanan di Boneiru, a base di historia oral ku el a hasi.

BOMBANAN DE PALM

Tabatin dos bomba de Palm hopi konosí na Boneiru, esta Achilles de Palm i Pieter de Palm. Aegidius de Palm tabata esun yamá Achilles òf Djillis. Tin bia tambe nan tabata yamá Jules. E tabata un bomba bibá na Nikiboko, na unda te awe tin hopi hende ku fam de Palm ta biba. Su trabou di bomba tabata prinsipalmente na e kunuku Aruba-Amboina.

Segun Nooyen, parse sinembargo ku na prinsipio e tabata traha na Rincon tambe. El a yega di batisá na Rincon un yu di Pieter Polon de Palm, mientras ku Pieter tambe a batisá un yu di Aegidius. Nan lo tabata famia di otro.

Vários bia Aegidius tabata

batisá yu. Por ehempel un yu di Jan Hendrik de Palm (òf tambe Emerentiana), kasá ku Leonora di Sebel Rijna i un yu di Antoin de Palm, kasá ku Anna Andrea Rosario. Ta difisil di bisa ku si nan tabata famia di otro.

Nooyen: "E nòmber de Palm ta bini di Jan Palm, ku tabata vise-komandùr di Boneiru pa e parti di Rincon, fo'i 1805 te 1809. Archivo di Misa di Playa ta menta Jan Hendrik Palm komo doño di katibu te den aña 1852."

EMERENTIANA

Nooyen ta sigui splika ku durante henter 19 siglo famia de Palm a brucha ku Emerentiana. Probablemente un di e promé katibunan muhé di Jan Hendrik Palm tabata Emerentiana, e

mama grandi di tur e de Palmnan, ku despues a brucha ku Emerentiana.

Achilles de Palm tabata kasá ku Speranza Hermina. Tres yu di nan ta skirbí den buki di boutismo di Playa: Martina Clemencia (nase na 1824), Johan Christoffel (nase na 1831), Jozef Arcadio (nase na 1834). Anthon de Palm tambe tabata yu di Achilles. Achilles de Palm a muri na 1884. E tabata tambe miembro di Sosiedat Spiritu Santu. Su desendientenan ta biba na Nikiboko.

E otro bomba de Palm tabata Pieter. Pa ta eksakto, Pieter Polon de Palm, konosi tambe komo Pedro Polonia. E tabata bomba na Rincon. Na 1829 Pieter a kasa ku Anna Paulina di Rosa Gulu, tambe un katibu. Nan tabatin 7 yu ku a nase dentro di 1828 i 1848.

Nan tabata Calorina Isenia, Maria Augustina, Frederica Josefina, Cornelia Elisabeth, Juliana, Isenia i Valentin Martinus.

LUIS COFFIE

Luis Birey Coffie, kasá ku Sebel Bernabela, tabata un otro bomba na Rincon. Rònt di aña 1846 Luis Birey a bin biba na Antriol. Ta nèt den e añanan ku hopi katibu di Rincon a bin biba na

Antriol. Luis su trabou di bomba tabata prinsipalmente den Saliña na sùit dje isla.

Luis Birey i Sebel Bernabela tabatin por lo ménos sinku yu, esta Bernardo, Mathias, Hieronymo, Frederico i Leandro. Na 1868 Leandro a kasa ku Cleantis Philipa. Luis Birey su desendientenan ta biba prinsipalmente na Antriol Pabou.

Jan Hendrik Coffie, ku a muri den añanan sinkuenta di e siglo aki, tabata nietu di Luis Birey. Jan Hendrik su promé kasá tabata Anita (Damiana), un bisanietu di Papa Cornes.

Luis Birey tabata yu di Martha Coffie. Ela nase na 1811 na Rincon i a muri na 1889.

MINGUEL GOEDGEDRAG

Tambe tabatin bomba Minguel Goedgedrag, tata di Rudolf Goedgedrag, wela di Janchi Goedgedrag di Nikiboko. Minguel tabata bomba na Fonteín, pero rònt di aña 1840 el a bin biba na Antriol. Tempu ku nan a traha e kas grandi di Vliet, Minguel tabata e bomba riba e katibunan ku mester a traha aya. Rudolf, su yu, tabata un di e katibunan.

E nòmber Goedgedrag ta di despues di tempu sklabilitut, pues despues di 1863. Promé e tabata yama Juan Minguel. Ta parse ku e tabata un mashá bon hende. P'esei nan a yamá Goedgedrag (bon kondukta).

Na 1829 Minguel a kasa ku Helena na Rincon. Nan nòmber tabata skirbí asina: Jan Minguel di Dortalina i Maria Helena di Flora Janga. Nan sinku promé yunan a nase na Rincon, esta Rudolf Marti, Rosa Florentia, Pedro Pablo, Hiromes Martien i Anthonius.

Na 1834 nan tabata biba na Antriol. Aya a nase Martinus, Zorecta, Leonardo i Juana Jacoba. Juana, e delaster, a nase na 1851.

Martinus tabata yama Mathias tambe. Zorecta ta mas konosí bou di e nòmber di Ma So-raida di Rincon. Na 1854 Rudolf a kasa ku Clarissa Bernabela. Den buki di boutismo Rudolf ta yamá semper Minguel. (Minguel di Helena Janga a kasa ku Ber-

nadina di Bernabela). Nan tabatin seis yu, esta Reinir, Maria, Maria Margaritha, Johannes, Eusebio Bernardo i Feliz (òf Frits).

Rudolf a traha duru pa planta maishi, bonchi etc. pa bende. Ku e sèn ku ela gana ku e trabou ei ela kumpra su yu Maria liber.

Maria tabata un mucha chikitu ainda. Ela nase na 1855. Kas di Minguel i Rudolf tabata den kurá di Cornelia Christian den Antriol Pabou. Tin vários desendiente ainda na Antriol.

MAS BOMBA

Un otro bomba tabata Guillermo Frans. E tabata konosí komo bomba Buchi Guillermo di Tera Kòrá. Nan tabata deskribi'e komo un bomba brutu. Tur katibu tabatin miedu di dje. Guillermo a nase na 1829 i Dorothea na 1828. Un yu di nan tabata yama Ludovica.

E yunan di Ludovica tabata mas konosí den Tera Kòrá te den e promé mitar di e siglo aki ainda, esta Dorothea, Mercelita, Justina i Piet. Tambe tabatin bomba Elias Martijn. E tabata kasá ku Eleonora Emerenciana, konosí tambe komo Gengen òf Dada. Tur dos tabata di Rincon, kaminda nan a kasa ku otro na 1829.

Bomba Elias aki tabatin un kabuya steif i duru, un asina yamá 'kabuya di breu', pa bati e katibunan ku tabata kai bou di su responsabilidad. Hopi aña ainda despues di tempu di sklabilitut el a keda ward'é i tabata must'é na hendenan ku bishitá su kas.

Tabatin vários otro bomba mas. Entre otro bomba Martinus di Tera Kòrá, bomba Marti Manuela di Antriol, bomba Marti Janga di Rincon, bomba Alberto di Tera Kòrá.

Loke por konklui ta ku tur e bombanan a bini originalmente di Rincon. Ta manera ku gobièrnu so tabatin bomba pa su katibunan i otro doñonan di katibu, esta e shonnan di Boneiru, no tabata konosé e funshon di bomba.

Na prinsipio di siglo 19 tur katibu di Boneiru tabata biba na Rincon.



Mas despues di 1835, un parti di nan a bin biba na Antriol, Tera Kòrá i algun na Nikiboko.



MONCHI & TONCHI

Tonchi, bo tabata sa ku WEB ta spònser prinsipal di un banda nobo

Awèl si, sangura bènt ta por la goma riba Bonè e dianan aki.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Redakshon
Papi Antoin
Nathaly
Evertsz-Ipcedencia
Velli Gijsbertha
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòi Antoin
786-6818
Aviso
avisobon@gmail.com

Pader Javier Leoz

HULANDA

Pa personal di supermarket

Dies porshento mas salario

HULANDA – Trahadónan di supermarket ta haña entrante promé di sèptèmber un oumento di salario di 10 porshento. E sindikatonan FNV i CNV, ta kontentu ku e oferta di e dunadónan di trabou. E CAO nobo ku un durashon di un aña, mester drenta na vigor dos di yuli. E ta konta pa 300 mil trahadó.

Presidente di CNV, Jacqueline Twerda, ta papia di un oferta hopi real, ku sindikatonan ta bai proponé na nan miembronan. E ta indiká di ta kontentu ku no tabatin mester di wèlga pa esaki. Segun Twerda, e dunadónan di trabou a mira bon kiko a sosodé na e sentro di distribushon di Albert Heijn, kaminda un luna

pasá tabatin dianan largu di wèlga. Albert Heijn a bai di akuerdo ku e oumento di salario di 10 porshento.

Anteriormente no tabata eksklui wèlga na e otro supermarketnan tambe parse. For di inisio di e negosashonnan pa un CAO, FNV a anunsiá esaki. E sindikato tabata ke pa kompensá e trahadónan

pa e inflashon haltu. Anteriormente FNV a pidi un oumento di salario di 14 porshento, loke el a yama rasonabel. Pero e tempu ei e inflashon tabata riba su punto di mas haltu. Awor e inflashon ta 6 porshento.

Presidente di FNV, Daniëlle Wiek, ta yama e oumento di salario di 10 porshento, un bon oferta.

Un oumento asina, segun e sindikatonan ta nesario, pasobra trahadónan di supermarket ta pasa tempunan difísil.

E sindikatonan tambe ta kontentu pasobra dunadónan di trabou no ta eksigí nada a kambio di e oumento di salario, manera kompensashonnan mas abou di trabou iregular.

Chèns riba kandela di naturalesa nivel di mas haltu

HULANDA – Dor di e sekura persistente, Brantwer ta èkstra alertá riba e rísiko di kandela di naturalesa. E regionnan di siguridat a prohibí praktikamente kandela habrí den tur área di naturalesa.

Despues di un inisio di aña muhá, ya ta tres siman seku na Hulanda. Pa e último simannan tampoko kasimiente no ta spera áwaseru. Ademas tin un bientu moderá te hopi fuerte dor di direkshon nortost.

E kombinashon di sekura largu i bientu, ta motibu pa e mayoria region di siguridat pa anunsiá fase 2. Esaki ta konta pa Hulanda

kompleto, ku eksepsion di en todo kaso e tres provinsianan den e parti nort.

Fase 2 ta nifiká ku Brantwer tin èkstra vehíkulo tur kaminda kla pará pa por aktua lihé den kaso di kandela di naturalesa. E ta nifiká tambe ku kandela habrí den naturalesa no ta permisibel. Sí un manehadó di naturalesa haña ku e rísiko riba kandela ta grandi, te asta por hala pèmitnan otorgá pa evento aden, segun RTV Oost.

E problema ta prinsipalmente ku e suela ta bira seku lihé, pasobra pa dia un tres pa kuater milimeter di vògt asina ta evaporá. Un

chispa ta sufisiente pa originá kandela di naturalesa i e ora ei e kombatimentu ta fèrfelu, e regionnan di siguridat ta skirbi.

E fin di siman ku a pasá dos kandela a originá na Weerter i Budelerbergen, un parti di e área di naturalesa na e frontera di Noord-Brabant, Limburg i Bèlgika. Inisialmente Brantwer tabatin hopi difikultat pa kombatí e kandelanan akí, pasobra e trùknan di paga kandela a pega den santu.

Siman pasá djamars ya tabatin tambe un kandela di naturalesa na Heeze, Omroep Brabant ta informá. Brantwer por a paga e

kandela akí lihé. Na final Brantwer a haña un roster di barbekiú.

Den besindario di Assen, na inisio di mei un kandela

grandi a originá den e área di naturalesa Paaskamp. Aki nan un área un área di 100 pa 300 meter asina a bai pèrdí.



Despues di sigui muhé desde bankomátiko Robo suma grandi di plaka

DEN HAAG – Un hòmer a hòrta un muhé di su tas na Den Haag, ku den dje un suma grandi di plaka ku e tabatin huntu kuné. For di kámara di siguridat parse ku e hòmer i un muhé a siguié desde bankomátiko i a kita su tas. E víktima a bai saka plaka riba Hobbemaplein. E tin un tata malu na Turkia i su ruman muhé dentro di poko ta bai bishit'é. E plaka tabata destiná pa e tata. Loke e no tabatin na bista, ta ku un hòmer i un

muhé tabata kana su tras na e momentu ku e tabata hasiendo e transakshon.

Riba imágen di kámara por mira ku e muhé tabata tene su víktima na bista. Ora e tabata kla, e ta kana bai na e stashon di tram den besindario.

E hòmer i e muhé ta sigui kana su tras pa direpente hòrt'é.

Mas kámara a graba e ladronnan. Ta trata di un muhé ku slòf na pia. E hòmer tabatin un bachi di kamuflahe.



STATIA/SABA/ST. MAARTEN

Konmemorashon 38 aniversario Dia di Bandera

PHILIPSBURG – Sint Maarten ta konmemorá e di 38 aniversario di Dia di Bandera dia 13 di yüni, na Asha Stevens Hillside Christian School, na Cay Hill.

E konmemorashon anual di Dia di Bandera ta kuminá mitar di nuebe di mainta ku parada di alumnonan di Patriotic School, ku ta ku-

minsá na entrada di Cay Hill na Welgelegen Road i terminá na Asha Stevens Hillside Christian School.

Roselle Richardson a diseñá e bandera di Sint Maarten 38 aña pasá, presentá dor di Claude Wathey, aprobá i establecé dor di e miembronan di Konseho Insular di e tempu ei dia 13 di yüni 1985. E bandera

nashonal di Sint Maarten ta un símbolo di honor i apre-

sio pa tur hende di e isla. Awendia e bandera ta keda

un parti di e patrimonio históriko i kultural.



Kordinadó desaroyo di produkto Ofisina di Turismo

THE BOTTOM -- Alexis Wildgoose-Charles a keda apuntá komo e kordinadó di desaroyo di

produkto di Ofisina di Turismo di Saba. Un posishon nobo kreá den kua e ta bai kontribuí pa e kultivashon

i produkshon di ideanan nobo i proyekto pa turismo di e isla. Un ròl ku ta kuadra ku su edukashon i eksperiensia den músika, beyesa i industria di komunikashon.

Alexis a nase i lanta na Miami, Florida i ta di descendiente Puertorikeño i

Bahamas. E ta biba pa tres aña na Saba i awor ta bai pa un reto nobo. E ta mira dilanti pa kontribuí na su isla bunita i traha den estrecho kolaborashon ku partnernan turístiko i komunitat.

Alexis ta dominá Ingles, Spaño i algu di Hulandes.

E ta gosa di bida i estilo di bida salú loke ta konsistí di un base predominante. El a traha den e sektor di merkadeo di media sosial, direktor creativo i 12 aña di su bida e tabata un bailadó profeshonal na Miami.



Atrako armá

ORNAJESTAD (EUX) – Djadumingu 4 di yüni a drenta informashon di un atrako armá na Heyligerweg na Sint Eustatius.

Dos hòmer banda di 11'or di anochi tabata sintá dilanti di un barberia, momentu ku dos hòmer

a aserká nan. E dos hòmbenan, ámbos tabata armá ku arma di kandela. Nan a maltratá e víktimanan ku arma i eksigí plaka.

Un di e víktimanan a risibí leshon na su kabes i boka komo konsekuensia di e maltrato.

i produkshon di ideanan nobo i proyekto pa turismo di e isla. Un ròl ku ta kuadra ku su edukashon i eksperiensia den músika, beyesa i industria di komunikashon.

Alexis a nase i lanta na Miami, Florida i ta di descendiente Puertorikeño i

Ku trahadónan di GTIS

AF1 Union ta eksigí mihó komunikashon

ORNAJESTAD (EUX) -- Charles Woodley, presidente di sindikato AF1 di Sint Eustatius, a ekspresá su preokupashon tokante e falta di komunikashon ku trahadónan di Global Terminals Investments Statia (GTIS), relashoná ku un posibel seramentu di e

kompania.

Den un karta, Woodley a kritiká e situashon, menshonando ku basta ratu tin rumornan sirkulando tokante futuro di e kompania.

Tambe Woodley ta musttra riba e echo ku yen partido a papia ku GTIS i vise vèrsa, pero no ta papiando ku a empleadonan di e ter-

minal.

“Komo representante di e empleadonan, mi mester hasi un apelashon riba partidonan pa sinta na mesa tambe ku e empleadonan pa bin klari-dat”, asina Woodley a skibi den un karta fin di mei.

Segun Woodley, e empleadonan ta hunga un ròl esensial den buskamentu di un solushon aseptabel. E ta avisá ku e trahadónan ta pèrdiendo i ta pidi pa sinta nan mesa ku e empleadonan i duna esakinan e balor ku nan meresé den e búskeda di un solushon pa e kompania.



Ministerio di Hustisia a organisá konferensia

Komunikashon moderno

WILLEMSTAD – Djaluna 5 i djamars 6 di yùni, komunikadónan den e kadena hudisial a sigui un konferensia titulá “Komunikashon Moderno”, organisá pa Ministerio di Hustisia. Meta di e konferensia di dos dia akí tabata pa siña traha ku instrumentonan nobo ku tin den e área di komunikashon, mirando ku mundu ta avansando den e forma digital.

Tabatin 4 persona ku, di forma boluntario, a yuda pasa konosementu ku nan tin pa e komunikadónan.

Ademas tabatin algun miembro di prensa presente. Nan a interkambiá ku sala tokante diferente kaso i eventual pregunta ku por a bin dilanti. Miembronan di prensa ku a partisipá den e seshon tabata Glenn Thomas, Lysandra Trinidad, Angelo Virginie i Lilo Sulvaran.

Na final di e dos dianan di e konferensia “Komunikashon Moderno” sr. Gerold Daantje, direktor di Sektor di Mantenshon di Lei, Órden Públiko i Seguridat, a hasi entrega di serti-

fikado na e empleadonan públiko ku a sigui e konferensia.

Tambe a hasi entrega di sertifikado na e kapasitadónan komo gradisimentu

pa por a duna di nan tempu pa kapasitá e diferente personanan.



Pa lei di opio

Polis a realisá seis detenshon

WILLEMSTAD – Djárason 07 di yùni den oranan di mainta, Divishon di Krímen Organisá a tene kuater entrada hudisial na e siguiente adrèsnan Asbestweg, Kaya Bakator i dos

adrès den Mahuma.

E entradanan hudisial ta den kuadro di un investigashon penal ku ta andando relashoná ku un kaso di violashon di lei di opio.

Durante di e entradanan

hudisial a haña i konfiská un kantidat di droga, atributonan pa prepará droga, shete arma di kandela i un kantidat di munishon, plaka kèsh, aparatonan di nabegashon, algun telefòn se-

lular i un outo ku ta prosekutante di ladronisia.

En konekshon ku esaki a detené e hòmbenan N.O., 32 aña di edat, J.J.V., 25 aña di edat,

A.E.O. 32 aña di edat, W.A.W., 41 aña di edat, tur kuater nasé na Kòrsou., W.R.R., 25 aña di edat, nase na Venezuela i R.A.D.C.,

41 aña di edat, nasé na Colombia.

A presentá e seis sospechosonan dilanti un fiskal ouksiliar ku despues di interrogashon a laga den libertat A.E.O. i a ordená enkarselamentu di e sinku otro sospechosonan pendiente di mas investigashon.



Pa droga den kònteiner

Di tres aresto den haf

WILLEMSTAD – Djamars 6 di yùni RST den koperashon ku Kuerpo Polisial Kòrsou (KPC) a detené R.V.A. di 54 aña di edat. E detenshon a tuma lugá riba órden di Ministerio Públiko. Despues di e detenshon, a hasi un entrada hudisial na kas di R.V.A. bou di guia di hues komisario.

Ta sospechá ku R.V.A. den su funshon di ‘dockmaster’ den haf na Schottegat, huntu ku otro trahadónan den haf, durante un periodo largu tabata involukrá den ponementu di kantidatnan grandi di kokaina den kònteinernan.

E kònteinernan tabata destiná pa Oropa. R.V.A. ta enkarselá pa mas inves-

tigashon.

Anteriormente den e kaso aki, a detené J.J.J. di 45 aña di edat i R.J.R. di 50 aña di edat tur dos trahando komo bewaker den haf. J.J.J. i R.J.R. ta detené ainda. Den e temporada benidero no ta ekskluí mas detenshon.

Final di IPKO 2023

WILLEMSTAD – Djaluna 5 di yùni mainta e delegashonnan tabatin nan último deliberashonnan den kuadro di e reunionnan Interparlamentario, IPKO. Despues a sigui pa e reunion di e presidio.

Finalmente a kontinuá ku e proseso di aprobashon di e lista di palabrashonnan. Tur delegashon a aprobá e palabrashonan.

A finalisá IPKO 2023 na Den Haag, ku un konferensia di prensa.



Bishita 'The Hat Ladies' serca Prome Minister

ORANJESTAD -- Dia-bierna 2 di juni, Prome Minister Evelyn Wever-Croes a ricibi bishita di cortesía sumamente ameno di un grupo di dama di nos Isla

Ruman Corsou, 'The Hat Ladies'. Bisti hopi elegante y cu sombrenan colorido y hopi bunita, e damanan aki a bishita Prome Minister na unda a intercambia infor-

macionnan riba diferente tema di hende muhe cu e islanan tin en comun. Pero principalmente e damanan a bin gradici Prome Minister, como un hende muhe, pa e trabou cu e ta haciendo pa Aruba.

'The Hat Ladies' ta un grupo social di profesionnan cu ta haci, cu hopi amor, diferente obra caricativo pa nos pa e comunidad di Corsou. E grupo aki ta consistiendo di damanan for di diferente isla di ex-Antia. Y tambe nan ta pone damanan den comunidad den funcionnan promi-

nente, den lus positivo.

Probechando cu 'The Hat Ladies' tawata na Aruba durante fin di siman cu a pasa, nan a desea di haci bishita cerca Prome Minister y Minister di Finanzas durante nan bishita na Aruba.

E damanan a regala

Prome Minister un buki titula 'E cilindro magico entre Aruba y Curaçao' y algun artesanía unico.

Prome Minister ta gradici 'The Hat Ladies' pa nan bishita y pa e conbersacionnan hopi ameno y pa e bunita recuerdo cu nan a laga atras.



Un situacion hopi tristo

Mama mester paga casi 2 mil florin di schoolgeld y airco di 4 yiu

ORANJESTAD -- Durante reunion di IPKO di siman pasa, a atende un punto cu tin di haber cu educacion pero e tema central di e discusion, a bira e situacion di studiantenan di Aruba y e otro islanan, ora cu e hobennan yega Hulanda pa specialisa nan mes.

Ta hopi serio y espantoso sin duda pa realisa cu loke realmente IPKO mester a atende, no solamente mester tabatin di haber cu esunnan cu ta bay studia na Hulanda, ya cu e situacion cu tin na cas na e momentonan aki, na Aruba den enseñansa na tur nivel, ta algo realmente espantoso. E momento ta yegando cu pa e aña escolar nobo di 2023-2024, un gran cantidad di mucha- y hobennan lo no atende scol of lo bandona nan educacion ya cu simplemente mayornan no tin placa pa paga pa nan yiunan haya educacion.

E limite aki den e crisis social aki, ta asina serio pero pa un motibo of otro, ainda ni sindicatonan y tampoco scolnan,

a bati alarma pa e situacion aki ya cu placa no ta yega ni pa come, corda pa paga pa e muchanan bay scol.

AWE Mainta ta muestra riba un solo ehempel di loke mayornan a paga pa cuater di nan yiunan cu tin cu atende scol otro aña caminda esun chikito a paga 150 pa schoolgeld y 150 florin pa aircogeld, mientras cu pa dos yiu den nivel di scol basico, e señora tin cu paga 425 florin pa cada un di e muchanan, mientras cu recientemente el a paga un suma di 650 florin pa e yiu cu a bay Mavo.

Pues den corto tempo mayornan mester a pone casi 2000 riba mesa pa educacion di nan yiunan mientras cu ainda nan falta pa busca placa pa cumpra uniform nobo, keds of sapato nobo, tas di scol nobo y tambe otro materialnan cu scol ta exige.

Awor mayornan cu tin yiu cu ta wordo acepta na Colegio Arubano, mayornan tin cu paga e bunita y impactante suma di 1800 florin, faltando ainda uni-

form, keds y bukinan pa cumpra, pues realmente un situacion cu ta di gran preocupacion. Pa colmo e gastonan aki ta un hecho caba mientras cu mesun famianan aki, lo wordo confronta cu aumento di costo di bida ora cu gabinete Wever-Croes introduci e ley di 7% di BBO na frontera cu lo haci e situacion financiero di hopi cas di famia, algo sumamente delicado.

No a papia na IPKO di e crisis financiero aki den enseñansa aki na Aruba pero si a papia di futuro di grupo di estudiante cu den proximo aña escolar y otro nan dilanti, ta coriendo e peligro di bandona nan educacion ya cu pa falta di suficiente placa pa cubri gastonan di cas y pone cuminda riba mesa, e necesidad aki ta bira un obligacion.

Tristo cu na IPKO ningun parlamentario no di Hulanda, di Aruba, Corsou y Sint Maarten, a durf di presenta e punto aki pa deliberacion y discusion.



Arnell y Orkesta bek na Aruba

ORANJESTAD -- Arnell y su Orkesta ta cla pa hiba bo bek den tempo cu exitonan manera 'Daniel', 'Kukala', 'Manera un mango' y 'Mi wawan-ko'. Diabierna 23 di juni bo lo gosa di comienso te na fin na Club Caiquetio unda cu lo tin mesa y stoel disponibel pa tur hende. E anochi ki bo lo wordo deleita pa DJ Metropolis, Claudius Philips hunto cu OREO, Papito y su Nuevo Sabor y, directamente for di Curaçao, Arnell y su

Orkesta unda cu lo tin un presentacion special di sra.

Mafalda Minguel.

Esaki lo ta un anochi p'e bailadonan por disfruta di un tremendo variacion musical. Entrada ta costa solamente 75 florin y e ticketnan ta obtenibel na Power FM na Piedra Plat, Hamaka na Playa of na Gallo Rojo na San Nicolas. Wak pa bo no keda afo di e gran GoZadera cu ta bay tin.

Siña di bo historia,
kultura i naturalesa

Bonaire.tv
Historia | Kultura | Naturalesa

TELBO kanal 70 Flamingo TV kanal 23

DEPORTE

Special Olympics kla pa Berlin

KRALENDIJK -- Special Olympics Bonaire ta kla pa bai Berlin pa weganan di Special Olympics World Games Berlin 2023. Esaki ta loko e tim ku ta prepará e atletanan a bisa na prensa djamars.

Jaira Brito, vise presidente di Special Olympics Bonaire, a bisa: "Djadamingu 11 di yùni nos ta sali pa Berlin pa Special Olympics World games Berlin 2023."

Arlen Engelhardt di su

parti a indiká e delegashon ta bai pa partisipá na e weganan mundial. E delegashon di Boneiru ta bai pa landamentu i bolas. Dia 11 di yùni ta biaha pa Berlin.

Esaki ta e promé biá ku e atletanan di Boneiru ta kompetí na Berlin. Tambe mayor di e atletanan ta bai Berlin. E atletanan ta bai pa plaser na promé lugá i di dos lugá pa hasi esfuerso i sí ta bai bon, bini ku premio. Tambe ta bai ku un persona pa loko ta trata e parti mé-

diko. E aña akí kada pais mester bin ku awa di nan pais, anto ta bai basha esaki den un kanal, pa e awanan kore huntu, pa musta kon e diferente paisnan ta uni den union.

Earon Rosario: "No ta un trabou fásil. Miembro nan a traha duru pa logra tur kos kla pa bai e kompetensia na Berlin. Ta importante pa e atletanan konosé otro aya na Berlin."

Oriana leonora di e parti médiko a indiká: "Mi ta bai

pa kompañá e atletanan i pa tuma nota sí algu sosodé, pa mi ta presente pa asistensia. Pero nos ta bai pa tur kos bai bon, ku henter e tim."

Tambe a presentá e atletanan i nan coach. E aña akí tin ménos kantidat di partisipante ta bai, pasobra tin diferente kos ku a hunga

un ròl, pa loko ta trata e organisashon madre. Pero tin mas aktividat pa e otro atletanan ku no ta bai Berlin. Ta bai tin otro aktividatnan durante lunanan binidero.

Ta importante pa spònsor, pasobra sin e sèn e atletanan no por bai niun kaminda.



Fundashon Padres Rincon a firma statuto

KRALENDIJK -- Djaluna 5 di yùni den ora di mèrdia, Fundashon Padres Rincon, a firma su statuto na kantor di Notario Rispens, den presensia di notario Robin Rispens.

E direktiva ta kon-

sistí di presidente Ruthsandra Thodé, vise presidente Ruthsel Paula, tesorera Laurienne Francis, segundo tesorera Yhourzeniv Goeloe, sekretaria Pamela Janga, segundo sekretaria Luiqinia Bernabelai momisario Lourinho Janga.

Fundashon Padres Rincon ke yama danki na mayornan, coachnan i muchanan, pa nan konfiansa den e fundashon.

Un danki spesial na Bonaire Wolf-Pack Baseball Foundation.



Rekuerso pa empayernan di ántes

KRALENDIJK -- Dia 10 di yùni 2023 pa 17:30 na Plaza Resort, lo tuma lugá entrega di sèrtifikado di e U2 Umpire Opleiding na e partisipantenan.

E dia aki lo hasi uso di e momentunan ei pa honra 5 persona ku pa hopi aña, a fungi komo empayernan den beisbòl i sòftbol na Boneiru, dor di entregá nan un plaka di mérito. Pa e momentunan aki, a invitá prensa lokal pa yuda inmortalisá e momentunan memorabel histótkiko aki.

Tur miembro di prensa deportivo pues ta invitá pa e momentunan inolvidabel aki. Sigur tambe un bunita gesto na esnan ku den pa-

sado a fungi komo empayernan di tantu sòftbòl komo beisbòl pa nos isla.

Durante nan époka nan a hasi sigur un bon trabou komo tal no solamente komo empayernan di sòftbòl, pero sigur tambe komo empayernan di beisbòl little league.

Hopi di nan a yuda krea empayernan i skorernan ku na nan turno, a yuda krea mas empayernan pa nos isla.

E honor ku ta bai duna na nos empayernan di e tempunan aya, esaki sigur ta na su lugá pa duna honor na nos empayernan di ántes ku den nan époka, a hasi un tremendo trabou komo empayernan.

Yuana di awa

Meskos ku tur organismo di ref. piská tambe ta bini na un gran diversidat di forma i koló. Hopi bes forma di un piská ta relashoná ku su manera di kome. Yuana di awa tin kurpa di koredó di distansia kòrtiku, muskulá, pero no mashá aerodinámika. Esaki tin di hasi ku su manera di kome. Normalmente e ta buska un lugá den fòndu di laman kaminda tin santu pa e skonde aden. Ei e ta keda trankil, wantá riba su alanan di pechu, te ora un piská yega serka pa e ataká. E ta skit bai dilanti ku enorme velocidat, kue su presa tene ku su djentenan skèrpi manera angua, sin laga bai. Ora yag riba dje, ta sali na kla ku e no ta un bon landadó. Ta un distansia kòrtiku so e por kubri, despues e ta sak bai fòndu atrobe.

fuate/foto: STINAPA

BIDA
DEN
LAMAM



SPECIAL PRICE
\$89

Foldable Beach
High Chair



You're
MY KING



Charcoal Grill
\$239



Bar-cooler
\$175



8 ft. Foldable
Beach Umbrella
\$59